

第 二 版

大清宣統新法令

第九冊

大清宣統新法令第九冊

目錄

上諭

禁煙大臣咨各衙門幕友均應一律斷戒填表造冊咨部札飭禁煙

總局遵照文

吏部奏酌增考職京員並考班中書改外辦法摺

崇文門監督奏整頓稅課應於官物免稅實力稽查籌擬辦法摺

崇文門監督奏請飭郵傳部遇稅務與鐵路有應行籌商稽查辦法

之處由該路員司隨時協助片

度支部會奏核覆贛撫奏裁撤糧道籌議巡警勸業兩道及鹽法道

移駐萍鄉事宜等摺

實錄館奏恭纂 德宗景皇帝實錄謹擬凡例條款摺

并單

伊犁將軍新授陝甘總督長庚奏遵 旨妥議恰勒奇茛等處辦法

摺并單

資政院會奏資政院議員選舉章程摺

并單

分類

頁數

民政

一

任用

一

財政

一

財政

二

官制

二

官報

四

旗務

九

憲政

一三

度支部頒定調查財政條款

郵傳部奏定陸海軍鐵路運輸章程

外務部咨准德雷使照會奉札開埠領事應辦吉江兩省交涉通行

知照文

民政部奏請修正報律條文摺

法部奏酌擬京師審判檢察各廳員缺任用升補暫行章程摺并單

學部奏各省畢業高等各學堂嗣後一律調京覆試并擬定辦學不

實處分摺

學部奏各省中學堂畢業生嗣後均由提學使調省覆試等片

學部奏酌改畢業考試主課分數有不及格者分別降等片

學部奏學堂考試嚴定分數並重考試關防功令片

學部奏變通官制擬將視學官改缺爲差增設郎中等缺摺并單

法部咨籌辦模範監獄將預算成立之期報部札提法司分行文

民政部札內外城巡警總廳罵毆以下罪名一併劃歸警察官署管

理各節通行遵照文

附法部咨覆民政部罵毆以下罪名一併劃歸警察官署管理各節

財政 二六
交通 三〇

外交 三二

民政 三二

任用 三三

教育 三五

教育 三六

教育 三六

教育 三七

教育 三七

司法 三八

民政 三九

文

附內城巡警總廳申擬罵毆以下罪名一併劃歸警察官署管理文

民政 三九

附內城巡警總廳申擬凡違警律內罵毆各罪不得按照違警律總

例加重減輕仍遵照現行律加減例辦理文

民政 四〇

附內城巡警總廳申擬傳案巡警須著制服遇違警罪再犯加重應

以原辦區爲限文

民政 四一

學部咨送憲政編查館資政院實學通儒選舉議員章程並保送辦

法文附辦法

憲政 四二

民政部咨行各省增訂調查戶口章程內學童壯丁年歲文

民政 四三

附學部咨京師督學局頒發簡易識字課本先行試辦文

教育 四三

附學部劄直隸等省頒發簡易識字課本先行試辦文

教育 四三

理藩部劄行錫林郭勒盟長所屬各官員應照禁煙章程取給造冊

送部文

藩務 四四

使館界內放行車輛撤消人力車捐合同

民政 四四

陸軍部咨送參謀章程文

軍政 四五

陸軍部通咨各省添設陸軍提督獨立專缺文

軍政 四五

軍諮處等通咨各省參用陸軍飛球專隊文

海軍大臣咨行各省德穆參議原送旗式照樣繪圖文

農工商部咨發商埠附記表文

法部咨行各省編纂戶籍法調查四大綱要

外務部咨行各省填註統計表文

農工商部通咨認真審訊錢債詞訟文

度支部通查行號銀錢票咨文

郵傳部通咨各省電燈電話報部立案文

外務部咨行限制華工往祕文

外務部咨行英屬入口禁例文

民政部咨行清查戶口辦法文

軍政	軍政	調查	司法	統計	實業	財政	交通	外交	外交	民政
四六	四六	四七	四七	四七	四八	四八	四九	四九	四九	五〇

大清宣統新法令第九冊

上諭

諭旨資政院會奏擬訂資政院議員選舉章程開單呈覽一摺著依議欽此

九月十三日

上諭朝廷簡任疆臣畀以用人重寄近來辦理新政遇有奏調人員無不俯如所請惟念該督撫等果能於本省屬員認真考察何至一省之中竟致無員可用必須借材他省方收臂指之資雖其中爲地擇人者在所常有而引用私人者亦難保必無嗣後除邊遠省分於舉辦要政准其酌量調用外其餘省分所有差委事宜務須先儘本省人員擇能委用不准任意奏調他省人員致滋紛擾該督撫等各宜公爾忘私破除成見用副朝廷整飭官常之至意該部知道欽此

九月十六日

大清宣統元年

大清宣統新法令第九冊

●禁煙大臣咨各衙門幕友均應一律斷戒填表造冊咨部札飭禁煙總局遵照文
本公所自奉 旨開辦禁煙事宜以來所有節經奏定章程表式業已通咨在案查各
省大小各衙門幕友多有沾染嗜好者新章幕友均應改爲幕職此項幕僚無論已改
幕職或仍係幕友均應一律斷戒照章分別填表造冊咨報以期普通查禁痛除錮習
相應咨行貴督查照認真辦理迅速見覆可也

●吏部奏酌增考職京員並考班中書改外辦法摺

竊查向例進士榜下 欽點知縣者歸於卽用班補用其由主事中書呈請改就知縣
者統歸於截取進士班內分別候選候補此外凡不由榜下所得之主事中書等官均
無准其改就知縣之例自科舉廢後各省保送舉貢考職其優等注擬之項與進士除
授之官蓋無少異故臣部業將知縣一項酌定爲舉貢卽用班次奏明卽附於各科卽
期進士之後獨於本用京職人員應否准其改外尙未議及現在出洋游學及大學堂
譯學館肄業各生紛紛畢業按照歷年考驗等第大抵內用多而外用少除小京官以
下等項不計外在主事猶可簽分各部院而中書則獨集於內閣一衙門序補尤爲無
期本年四月復經學部奏明將游學生之賞給中書者准其隨時改就知縣在案比類

以觀是同一 廷試授職之員不獨舉貢錄用之主事中書應比照甲榜舊例卽從前舉人考授之中書亦應比照游學生現行章程均准一體變通聽其呈改庶事理可昭平允惟是外補人員之壅滯與京缺略等勢亦不便再定新班致滋顧此失彼之弊臣等公同商酌擬請舉貢奉 旨分省之知縣旣歸併卽用班內則舉貢主事中書改就之知縣亦卽歸併截取進士班內其舉人考班中書改就之知縣則歸併截取舉人班內統由臣部按照兩項截取例章分別核辦至游學生知縣班次如係學部奏明卽用者亦卽附於卽用進士之後與舉貢卽用較奉 旨先後係照章試用者仍按其出身附於截取舉人之後與現定考班中書改就並嗣後隨時截取人員統較分發到省先後分別補用以昭畫一而歸簡易其餘捐納議敘等項出身人員仍不得援以爲例如蒙 俞允臣部卽通行各部院並內閣衙門一體遵照謹奏宣統元年九月初六日奉 旨依議欽此

●崇文門監督奏整頓稅課應於官物免稅實力稽查籌擬辦法摺

竊奴才等奉 命督理崇文門商稅事宜仰蒙 訓諭以官物免稅一項其應行查驗者亦應加意稽查以重稅課仰見 朝廷整飭稅務嚴防流弊之至意欽佩莫名伏查官物免稅各項成案不過僅免征稅未嘗概免稽查奴才等於到任以後於一切應辦之事悉心體察實力奉行尤於官物免稅一端加意嚴防用杜弊混總期稅務日有起

色無如各衙門免稅之物紛至沓來稅項隱受其弊查前任監督奴才溥倫等任內曾經奏明嗣後大學堂用品工藝官局電報局各項材料業經奏准免稅有案者仍應遵旨辦理此後他項官物均不得援案辦理以示限制等語當奉 俞允欽遵在案此次奴才等蒞事伊始各衙門有以未經奏准之案率請照官物免稅者若概予通融非特稅額有虧實顯違從前奏定之成案此官物之不能不稽查者一也又如行李一項向不徵稅官員奉使往來其行李輜重經過放行乃近來無論何項官員一經行李抵京卽請免驗往往一起之行李多至數十百件在各該員知有例章斷不至希圖影射而包運之行棧隨從之家人其中朋比夾私殆所難免又恐私運違禁之物闖入要地若不稍加查驗流弊實多且官員之輜重竟可儘數放行平民之行囊動輒反覆盤詰亦不足以昭公理而服人心此類於官物之不能不一併稽查者又一也奴才等公同商酌課額所關責成綦重若不實行綜核必至以有著之款盡耗失於無形之中關繫國課實非淺尠擬卽酌定辦法凡從前專案奏明免稅之官物購運到京由該管衙門先期開單知照仍照常查驗如與護照相符方准免稅放行其他項官物均不得援以爲例其因公奉使人員行李回京亦應一律查驗其他項官員如攜帶應稅物件均應照平民辦理以重課項而便稽征如蒙 俞允伏候 命下應由奴才等行知各衙門並示諭官民一體遵照謹奏宣統元年九月初六日奉 旨著依議欽此

●又奏請 飭郵傳部遇稅務與鐵路有應行籌商稽查辦法之處由該路員司隨時協助片

再查東西各國稅關多設於鐵路停車場附近之地火車上下客貨必由鐵路總卡以爲出入卽商人有意偷漏而停車場四周有鐵柵以爲攔禦並有鐵路巡警幫同稽查故奸商難以繞越誠以路政與稅關兩事必須相輔而行法至良意至美也奴才等所管稅務衙門如前門分局西直門分局阜成門分局豐台分局亦設於京奉京張鐵路停車場附近之處此次奴才等到任以來並札派該路站長及總巡官等幫同稽查以期互相聯絡並擬仿照東西洋各國辦法咨商郵傳部添設鐵柵及驗貨場等項以防繞越偷漏之弊惟此事規畫伊始必須隨時與鐵路員司接洽商議乃易著手擬請飭下郵傳部遇有奴才等稅務衙門與鐵路有應行籌商稽查稅務辦法之處卽由該路員司隨時協助實力贊成以期稅務日有起色是否有當理合附片具陳伏乞 聖鑒謹奏宣統元年九月初六日奉 旨著依議欽此

●度支部會奏核覆贛撫奏裁撤糧道籌議巡警勸業兩道及鹽法道移駐萍鄉事宜等摺

江西巡撫馮汝駉奏裁撤糧道籌議巡警勸業兩道及鹽法道移駐萍鄉一切事宜一摺宣統元年三月初十日奉 硃批該部議奏欽此欽遵由內閣抄出到部查原奏內

稱江西鹽法道向由淮鹽兩岸督銷局月支津貼銀三百七十六兩江西藩庫年支津貼銀一千二百兩俟移駐萍鄉後即將鹽局津貼停止竊維鹽道移駐萍鄉改兼兵備鹽局津貼議停亦應籌定經費以資辦公查按察使經歷向由糧庫年支津貼銀六百兩勿庸裁撤外計裁撤糧道公費及庫大使管庫書役等每年支領各款共銀三萬四千餘兩查照湖北成案每年撥給巡警勸業兩道公費銀各一萬兩鹽法兼分巡兵備道撥給公費銀一萬兩巡費銀二千兩撥給藩署辦漕經費銀一千八百餘兩藩庫大使兼管糧庫酌增津貼銀二百兩藩庫原給糧道津貼銀兩俟起支公費後即行停止又查湖北巡警道有出巡費係在警察經費內開支擬暫仿照辦理俟勸業道由農工商部支領津貼調查銀二千兩之日起亦按年在警察經費內動支以昭畫一等語度支部查各省新設巡警勸業兩道開支俸廉公費役食等項或將裁去道缺之款騰出開支或酌給津貼大都就近籌撥均經各該省督撫先後奏明經臣部咨覆遵行各在案今江西省新設巡警勸業二道及鹽法分巡道請就裁撤糧道公費等項騰出款內按年撥給各道開支公費巡費暨撥給藩署辦漕經費加增大使津貼按其所開支數尙屬酌中應暫照准仍俟各省報齊再由臣部擬定畫一數目通行各省以歸一律至巡警勸業兩道衙門及警務勸業公所即以舊有糧道鹽道衙署修理添改一節民政部查糧道既經裁撤鹽道移駐萍鄉即以該兩道衙署修理添改作爲新設巡警勸業

兩道衙門及警務勸業公所自係爲節省款項起見亟應相度地勢因事制宜妥酌改建總期工歸實用款不虛糜並於工竣後繪圖貼說造具工料細冊取具保固切結一併咨部核銷以符定例又原奏內稱該二道均係正四品照例每年應支俸銀一百五十兩養廉一項照鹽法道之例每年支銀三千兩各役工食亦照鹽道衙門之例每年支銀二百三十兩一錢糧道俸薪役食歷在豐城縣地丁銀內坐支現在糧道裁撤擬將豐城糧道俸銀役食撥歸巡警道支給其勸業道應支俸銀役食卽在南昌縣地丁銀內動支各該道養廉均由司庫地丁耗羨銀內動支等語度支部查四品官員例支俸銀一百零五兩今該撫奏稱例支俸銀一百五十兩核與例章不符應令該撫轉飭按照定數開支以符定例其餘所開應支各款核與糧道支數相符應併照准惟查原奏內並未敘及應扣攤荒充餉減平各銀兩自應由該撫照章核扣聲覆報部以昭核實所有糧道分巡之南撫建三府審度地勢南昌府宜改隸鹽法道撫建兩府宜改隸廣饒九南道俾使統轄一面派員前赴萍鄉估建鹽巡兵備道衙門一節吏部民政部查南昌一府歸併鹽法道統轄撫建兩府歸併廣饒九南道統轄既據該撫審度地勢相宜自應准其分別改隸俾各專責成至在萍鄉估建鹽巡兵備道衙門事屬創建尤應妥實估修仍於工竣後照例繪具圖說造具冊結咨部核銷所有巡警勸業兩道及鹽法兼分巡南瑞袁臨兵備道分巡撫建廣饒九南兵備道關防請由部頒換以昭信

守禮部查定例文職官員印信由吏部議准撰擬字樣送部鑄造等語今江西巡撫馮汝驤奏裁撤糧道添設巡警勸業兩道及鹽法道移駐萍鄉所有糧道分巡之南撫建三府南昌府宜改隸鹽法道撫建兩府宜改隸廣饒九南道統轄既經吏部議准自應添鑄江西省巡警道關防勸業道關防改鑄鹽法兼分巡南瑞袁臨兵備道關防分巡撫建廣饒九南兵備道關防各一顆俾昭信守恭俟 命下由吏部撰擬字樣送部鑄造再此摺係度支部主稿會同吏部民政部禮部辦理合併聲明謹奏宣統元年九月初八日奉 旨依議欽此

●●實錄館奏恭纂 德宗景皇帝實錄謹擬凡例條款摺

臣等奉 敕恭纂 德宗景皇帝實錄務在闡揚 聖德昭示來茲必先酌定體裁期於無冗無漏伏查 列聖實錄皆有凡例爲纂修諸臣紀載之準欽惟 德宗景皇帝偉烈豐功同符 前聖 皇上續承大統繼述維殷臣等管蠡之見雖不足仰窺萬一敢不悉心研繹冀以光闡 聖謨謹按舊章詳加增益恭擬凡例八十七條臚呈 御覽如有應臨時斟酌損益之處容臣等隨卷加籤仰求 欽定再向來纂輯 聖訓卽於 實錄內酌要分類編載此次應候 實錄全書垂成時再將 聖訓門類敬謹擬就飭令纂修諸臣按門分纂以昭詳慎合併聲明謹奏宣統元年九月初十日奉 旨依議欽此

恭擬 德宗景皇帝實錄凡例八十七條

一 登極典禮書

一 恭上加上 帝 后尊諡書 冊 寶文全錄

一 祀 天 地 太廟 山陵 日月 社稷 太廟 奉先殿升祔配享祭 堂子

年神月神 列祖誕辰忌辰拈香書詣 奉先殿 壽皇殿 雍和宮行禮書遣官

行禮亦書

一 孝貞顯皇后 孝欽顯皇后垂簾聽政書 孝欽顯皇后訓政書凡欽奉 懿旨

全錄

一 尊封 孝貞顯皇后 孝欽顯皇后崇上 徽號書 冊 寶文全錄

一 恭詣 孝貞顯皇后 孝欽顯皇后宮問安侍奉書

一 孝貞顯皇后大喪典禮書

一 恭奉 孝欽顯皇后駐蹕西苑及 頤和園書

一 恭奉 孝欽顯皇后巡幸山西陝西書 聖駕迴鑾駐蹕陝西河南直隸等處書

一 尊封 皇貴太妃 皇貴妃書 冊文全錄尊封 貴太妃亦書

一 大婚典禮 冊封 皇后書封 妃 嬪皆書

一 孝貞顯皇后 孝欽顯皇后聖壽禮節祝頌貢獻書 萬壽節 皇后千秋節及

除夕元旦上元冬至凡大慶賀禮節筵宴舉行停止皆書

御殿讀書 御殿視朝皆書

簡派臣工輪班進講書

親政典禮書

一 祈穀祈雨祈雪皆書

一 大喪典禮書奉安 地宮典禮碑文書

一 恭謁 山陵典禮賞賚書行圍停蹕皆書

一 聖駕親詣 醇賢親王邸第省視書

一 醇賢親王 醇賢親王福晉喪禮凡 聖駕親詣行禮書遣員恭代行禮亦書

一 臨蒞親王邸第書

一 詔敕 上諭全錄 御製各體文有關文教武功民生國政者全錄

一 纂輯 實錄 聖訓本紀 玉牒 國史方略 大清會典 起居注蒙古王公表

傳及 欽定書經圖說承華事略補圖皆書校刊 列朝 御製詩文集 御製勸

善要言書

一 宗室分爵親郡王以下奉恩將軍以上冊封襲封晉封及降革皆書冊封王妃公主
郡主郡君縣主縣君鄉君書宗室 特恩宴賚書

一公主下降郡主郡君等出嫁授固倫額駙和碩額駙多羅額駙固山額駙書

一異姓王公侯伯子男封授襲替書升降黜革亦書

一文武大臣加三公三少及宮銜書降銜復銜亦書

一宗人府宗令宗正宗人暨府丞領侍衛內大臣內閣大學士學士各部院尙書侍郎都察院左都御史倉場盛京五部侍郎總管內務府大臣陵寢總管翰林院掌院學士學士通政使司通政使大理寺卿大理院卿詹事府詹事太常寺卿太僕寺卿光祿寺卿順天府奉天府府尹及直隸各省總督漕運河道總督巡撫提督學政奉天左右參贊各省布政使司布政使度支使司度支使提學使司提學使按察使司按察使提法使司提法使旗務使司旗務使民政使司民政使交涉使司交涉使等官除授皆書

一鑾輿衛掌衛事鑾輿使八旗都統副都統前鋒統領護軍統領提督九門步軍統領奉天直隸等處鎮守將軍都統提督總兵等官除授皆書

一親王貝子公文武大臣充出使各國專使大臣各國駐使大臣考察政治大臣考察憲政大臣書滿漢文武官員奉使外藩書奉使撫慰出洋僑民書奉差直省事關重大者書

一除授新疆將軍辦事參贊領隊大臣書